


# VODTA MBARA



## MANDA VI VODTA

Lini aṅ gi taṅ hu vodta wa a tuḍ Koyra hu li ma aṅ ka wambina ni, aṅ job kay vodta tuwa. Hu li ma sa gaṅ iriṅ wa ni, aṅ tuḍ ni iriṅ ki maliya. May aṅ wi wa ana aṅ viḍ vodta ni viḍiya ni, aṅ horṅ dagan zak a hal vodta jivira.

Hu iiri maygira hu duliya ra tew tew ni, aygi tuduygi ni hu vodta suḍta hu li ma bay daḅpa, li ma hin ka mbuḍ ki bay aygi tew hurumbina. Na ni aṅ wi li ma aṅ tuḍ huna su?

## VA MA TAKAYGI VODTANA

Lona u min mamba u oo mamba ḥaygi va ma takaygi vodtana, ni Boy honana, ma takuygi vodta tuḍ kolo huu lonara ki ḍal ḍalna. Boy ma koy wanna ay ni hu magaa ndaḍta (Boy honana). “Boy maṅṅa ni pindilla fok senda, ni kiḍikka hu voḍ mandara lay.” (Soolla 119:105).

## VODTA ɲGOLLA

Suu tuḍ hu voḍ ndaḍtana bolow cocoo. “Vun goṅga sana kal huruḍ

a ba kira ndad ngol cocoo, vodta tud hura ngol coco may. Suu tud hurudna bolow coco lay.” (Matiye 7:13).

Ngol suu tud hu vod ndadtana irisi ki dugiya. Asi ka wi ana vod ndadta tudusini hu bakira nadi dowba saa masira ka tini kayambi. “Sana gol tam ana poy mamba ni jiviya, dolidi ni poy ndadta tudummi fun midna.” (Vun ngolna 14:12). “Po ma co ma hu ndangara tanina kulubusi yal masina ki wa.” (2 Korintna 4:4).

## **NEKKA NGOLLA**

Suu tud hu vodta ngollana u nek cora kasiya. “Suuna halaŋ li cora wa, ka ndaki kay a fi ngolla fok honaradi.” (Romma 3:23). Aygi ka ndak a ngay cooygi taa dew lay ki fok honadi: “Suuna wi ni dlara ki irisi kidikka, may Yawe wi ni huuna.” (1 Samuel 16:7). Nek coosira njuni ngorosi u dalina. Aygi ka ndak a bud taygi ki u sabakaygi ko co taa dewdi lay. Hu buuna tew tew ni nek ndadta zulni zuli na dow dow, na may “Warak ma cora hamma ni midna...” (Romma 6:23).

## **KIDIKKA**

Kidikka ndoli hu magaara wandara takki ni kaɓakŋa vi Lona. “Suuna halaŋ ki ngabi a mid sesi dew, ngoo daganni kaɓakŋa vi Lona may. (Hebrena 9:27). “Ngoo dagan an wi dlamba haɓpa mulla ta ngolla, sa ma kaki kadna ndangara u huulona yow liŋŋa fokomungoo dagan an wi suu midina suu ngolona u kamba lay coli kolo u sesi fok dlamba mulla. Magaara hurud ki mali fok sa ma kaki kay dlamba mullana, magaa hinga ki mali olo, ndadta ni magaara vi iirira. Suu midina kaasi ɓakŋa kasi ni u dlara asi ladta, ni u ɓii mayra ay ɓiiri hu magaara... Sa ma sem ay ka ɓiiri hu magaara vi iiriradina, gam ki duk mbo lum ma kura.” (Wira ngayra 20:11,12,15).

## **KURA**

Lona teted, degee lay. Ni kay ndadta warakŋa vi cora ka’a. Boy Lonana daygi ana li ma kura ka’a, ni li ma lassa u mud siina mini kay suu ka hum vun Lonadina. Ki ɓiiri hu Boy Lonana ana: “Suu cona halaŋ tud irisi hu lina vi suu midina, u njaf suu maa Lona kina halaŋ.” (Soolla 9:18). Ka dii ana suu co hayna tud hu ni asi hol nadi, – nam mini ni kay suu maa Lona Kina lay.

May Lona ni Lo ma minda lay, “...nam min a sa bakidi, nam min na dow ana suuna halaŋ mba jok iiri masira ki zed.” (2 Piyer 3:9). Hu oo mamba u min mamba ka daɓɓira, nam min vodta a gige lay ma min a tud hurudna mba purud ki ko mbo lum kura. Nani aŋ min a tli vod ndadta su?

## **VODTA VI IIRIRA : SA SUDTA**

Kay aygi ka ndak a bud taygi ki u Sabaygi ko cooygira u warak madnadi ni, Lona Buna haygi sudta; nam sun Gorom ma dewna, Bu suuna Yesu Kristu ay hu duliya. “Lona min suuna cocoo, nam hasi Gorom ma dewna a gegelay ma tin hurum kamma bakidi, fi iirira bay daɓpa.” (Jaŋ 3:16). Sa Sudta namma mbud tam ki sana, may nam li co ka dewdi. Nam tud hu lina zed zed, li jivira, garad suu tugudira kiyo, mbud suu ndo ndona ki jiviya, dik fulina ki kay suuna, bulum cora vi suu

homma kiyo, had suuna hin dasi Boy ma Ayra Kay Mulla vi Lona.

Nam mbud tam ki sana ni kay a mid ki kaygi halaŋ ko ðivunna na. Nam hal iiri mamba tetedta, vo busudum ki kay a bulumuygi cooygira kiyo. Nam hin tam a suu cona vamu, wadam kaam tam ki mbilna, tinim jum wayra kamu, hin ðalam kom u sem hu gu ma garakŋa. Ni kay ndadta nam wihawra mid ki kaŋu, kan may. "Kristu u tamba yow cooygira ki kam kolo hu gu ma garakŋa...." (1 Piyer 2:24).

## **PAD MAMBA KOLORA**

Ŋgoo dagan buuna hindi hu zulla Yesu Kristu col ki kolo duk suu midina. Nam tud ko tam u suu hadi mamsina, ðak u asi buuna dok fidi, hin ii kolo huulona, kaki kay bik ko ma njufna vi Lona - Nammi sa Sudta ma iirina ma "Saðakŋa huulona may kay ndangara may hali komma." (Matiye 28:18). Ni kay ndadta "Nam ndak sud suu mba eg Lona u semma kiyo, cecemmi lay a fafadta, nam ka iiri tew tew, cen Lona Kasiya." (Hebrena 7:25).

## **HUULONA**

Huulona ni li ma Lona kaki u bibinil mamba huna. Bu Suuna Yesu di ana: "An nda minigi lina ha ki foko... An min li namma ha ki wa ni, an hin hoŋ aya mba yowogi ha ki egen tok, a agi li kaki hu lii an huna may." (Jaŋ 14 :2-3).

Li namma ni li ma furira, ni li ma "Nam (Lona) hin vasi simina ki irisiya, sa hin ka mid olodi, hahawra kadi lay, yoora u tii tara ka hin lidi, tlesuu basina hin bulum ki halaŋ." (Wira ŋgayra 21:4); "njengera hin ka li olodi,... kay Lona njayasi kidik mamba ki kasi halaŋ." (Wira ŋgayra 22:5).

Ni li ma tetedna. "Va ma njenje Ka hin kal hu floŋzi nammad. Sa ma hin tam a li dlara njenjera ka hin kal hudi lay, sa ma kaboyna ka kaldi lay. Cuk hu ni suu sesi ðiiri hu magaarana doy hol, ni magaara vi Goo timinara." (Wira ŋgayra 21:27).

May vodta tew huulonara ni dew daŋ. Bu suuna Yesu di ana: "Anni vodta, anni gasira, anni iirira lay. Sa ndak ka a tud eg Lona bay tli kandi." (Jaŋ 14:6). "Nam dew daŋŋi sa ma sudta, hu duliyaara halaŋŋi Lona hal sem sa ma daŋ ma Suduygi ki kadi." (Sunda 4:12).

## **ANŊ LINI NANA A TLI VODTA TUD HUULONARA GE?**

1. "Jokogi hurugiya. Vagi u Boy ma Ayra." (Marc 1:15). Jok huuna min di ana: hal ŋgoroŋ maŋ cooŋga, mbud iriŋ eg Lona u huruŋ halaŋ.

2. Mbay eg Bu Suuna Yesu hu cenda u nek cooŋga, jobomu kay nam bulumunŋa kiyo. Nam di ana: "Sa mbay egenna, an ka noyom kidi." (Jaŋ 6:37). "Mbaagi ay egenu agi suu nekka cagina, an Kodogi tagiya." (Matiye 11:28).

3. Hal huruŋ maŋ Kristu dew Kay a fi sudta: "Busu Yesu Goromma hin mbusuygi ki ko co maygira halaŋ." (1 Jaŋ 1:7).

4. Nam hin haŋ iirira wilira... iirira bay daðpa. Kristu di ana: "Sa hum boy manna, tin hurum kay sa ma sunun ayna mayna, iirira ka dað kidira ka hurumu. Baŋa vi Lona ka kambi, nam hin lina vi suu midina Kiyo, jak hu iirira ka dað kidira." (Jaŋ 5:24). "Lini sana ka hu Kristu ni, nam mbud ni sa ma wilina, tlesuu basina dað ki wa, suu wilina ka ni asiya."

(2 Korintna 5:17).

5. An hin fi heḅpa u gasira. “Aygi mbud degee ii Lona ni u vira, cecemmi aygi faygi heḅpa u Lona ni kay Bu suuna Yesu Kristu.” (Romma 5:1). “Gola ni boy di ki ndadta ana Lona faygi iirira ka daḅ kidira, aygi mbud a fi iirira ni u Goromma. Sa ma vam Gorommana fi ni iiri ndadta may, sa ma vi Goḅ Lonna kadina ka fi iiri ndadta may. An ḅiirigi dla ndadta ha ni a agi suu tin hurugi Kay Goḅ Lonna wi ki ana iirira ka daḅ kidira ka hurugiya.” (1 Jan 5:11-13).

## **AN LINI NANA A KAK HU IIRIRA WILIRA GE?**

1. Ndum Boy Lonana hu buuna tew tew. Nammi kidikka hu vod maygira, ni funa vi ḅgus maygira “Ko kembera vod wilirana, hal mbiira gasira u boyna vi Lona. Agi Cagira a wulugi u ndadu, sudugi tagi kiyo.” (1 Pi-yer 2:2). Hu li ma an ka ndum Boy Lonana, jobomu kay nam degerenju, hadan u musuk mamba tetedta may.

2. Hud tan eg Lona tok hu cenda buuna tew tew, cenem u sem Yesu. “Lagi ndaadi, hu cen magira jobogi Lona Kay tlesuu agi minisina halan, jobogina u gideḅpa. Heḅpa vi Lona ta su kay tlesuu sana wasina halanga mba njun u hurugiya u saa magira hu Yesu Kristu.” (Filipina 4:6-7).

3. Di ki kay Kristu man suu danja. “Hon voo eg somoyonju, dasi kay tlesuu Busuuna Paḅsina egerenja u jivi mamba wan hahawanga.” (Mark 5:19).

4. Yi Bu Suuna hu li ma an ka hu ndembana. “Cecemmi nam njun u suu ndemba ndemesina. Kay mege nam wi ndemba eg tamba lay, fi wihawra.” (Hebrena 2:18).

5. Lini an ndi kanga hu cora wa ni, homod ki zak fok Lona. “Lini aygi di cooygira ki fok Lona ni, aygi ndak a ham huruygi halan, kay me nammi sa ma dili ma degeena. Nam daḅaygi cooygira kiyo, hin mbusuygi Ki ko dla cooygira.” (1 Jan 1:9).

6. Hal a taḅ tan u suu vi suu danja. “Gologiya, ni gad manda, minigi tagi duk tagi ko an minigi wandana.” (Jan 15:12).

7. Hum u Lona tew tew. “Sa ma mininna, hum u boy ma an damma.” (Jan 14:24).

8. Li ndaadi kay Kristu ka u anju. “Kay Lona di ana: an ka hiniḅ kidi, ka noyon kidilay.” (Hebrena 13:5).

9. Hal tan ki halan man Bu Suuna Yesu Kristu. Hinim nam golon iiri manja u min mamba. Na may an hin fi jivira gasira.

---

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Pour obtenir gratuitement de la littérature évangélique, des livres et des traités en plus de 540 langues, écrivez à:

EMAIL: [info@angp.co.za](mailto:info@angp.co.za)

**ALL NATIONS GOSPEL PUBLISHERS**

**P.O. BOX 2191, PRETORIA, 0001, R.S.A.**

(Une Mission de Littérature évangélique financée de dons)

(Reg. No. 1961/001798/08)